

Acta da Xunta de Goberno correspondente á ordinaria do 22 de abril de 2016

No Pazo da Deputación Provincial de Ourense, o vinte e dous de abril do ano dous mil dezaseis, ás dez horas, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular don José Manuel Baltar Blanco, presidente da mencionada Deputación -que como tal é da Xunta-, cos deputados, don Plácido Álvarez Dobaño, dona Montserrat Lama Nóvoa, dona Ana M.^a Villarino Pardo, don Manuel Doval Soto e don Pablo Pérez Pérez, os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Non asisten á sesión os deputados provinciais don Jorge Pumar Tesouro (vicepresidente 2º) e don Juan Anta Rodríguez, que escusan a súa ausencia.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 15 DE ABRIL DE 2016.-

Unha vez examinada a acta da sesión ordinaria que tivo lugar o día quince de abril de dous mil dezaseis, a **Xunta de Goberno** da Deputación **acordou**, por unanimidade, a súa aprobación, sen observacións.

2.- RESOLUCIÓN DA CONVOCATORIA DE CONCURSO PÚBLICO PARA A CONCESIÓN DE SUBVENCÍONS PARA GASTOS DE FUNCIONAMENTO DAS FEDERACÍONS OU AGRUPACÍONS DE ASOCIACÍONS VECIÑAIS DE OURENSE CORRESPONDENTES AO EXERCICIO 2016.-

Unha vez finalizado o prazo de alegacións á resolución provisional de data 4 de abril de 2016, do concurso público para a concesión de subvencións para gastos de funcionamento das federacións ou agrupacións de asociacións veciñais de Ourense correspondentes ao exercicio 2016, cuxas bases e convocatoria foron aprobadas pola Xunta de Goberno na sesión extraordinaria que tivo lugar o 30 de novembro de 2015 e publicadas no BOP n.º 281, do 7 de decembro de 2015, vista a proposta de resolución das alegacións formuladas e de resolución do concurso

Acta da Xunta de Goberno correspondente á ordinaria do 22 de abril de 2016

formulada pola Comisión de Valoración con data 18 de abril de 2015, e de conformidade coa proposta formulada, a **Xunta de Goberno**, por unanimidade, **adopta** o seguinte **acordo**:

1º) Desestimar a alegación presentada por don Manuel Carnero Gómez, en representación da Federación provincial de AAVV de Ourense Limiar, polos motivos recollidos na acta que se incorpora como anexo ao acto de resolución ao abeiro do disposto no artigo 89.5 da Lei 30/1992, do 26 de novembro, de réxime xurídico das administracións públicas e do procedemento administrativo común.

2º) Concederlles, conforme á valoración efectuada e unha vez resoltas as alegacións presentadas, as subvencións polos importes e puntuacións que se indican, aos seguintes solicitantes:

SOLICITANTE	CIF	CONTÍA SUBVENCIÓN €
Federación da AAVV Ourense Limiar	G32226276	18.171,28.-
Agrupación de AAVV Miño	G32408023	22.988,72.-
Federación Provincial de Mulleres Rurais As Burgas	G32362816	1.500,00.-
Federación de AAVV do Carballiño	G32247926	7.340,00.-

3º) As subvencións libraranse tras a súa xustificación, conforme co establecido nas bases da convocatoria.

4º.- Dispor a publicación deste acordo no Boletín Oficial da Provincia.

ANEXO:

ACTA DA COMISIÓN DE VALORACIÓN DA CONVOCATORIA PARA A CONCESIÓN DE SUBVENCIÓNS PARA GASTOS DE FUNCIONAMENTO DAS FEDERACIÓNS OU AGRUPACIÓNS DE ASOCIACIÓNS VECIÑAIS DE OURENSE CORRESPONDENTES AO EXERCICIO 2016.

Con data 4 de abril de 2016 reuniuse no Pazo Provincial, a Comisión de Valoración do concurso convocado pola Deputación Provincial de Ourense para a concesión de subvencións para gastos de funcionamento das federacións ou agrupacións de asociacións veciñais de Ourense correspondentes ao exercicio 2016 (cuxas bases foron publicadas no BOP n.º 281, do 7 de decembro de 2016) integrada conforme co establecido na base 7ª da dita convocatoria.

Con data 6 de abril de 2016 someteuse esta proposta provisional de resolución a trámite de audiencia polo período de dez días hábiles, de conformidade co establecido no artigo 84 da Lei 30/92, do réxime xurídico das administracións públicas e do procedemento administrativo común e co artigo 7 da Ordenanza xeral de subvencións desta Deputación.

Acta da Xunta de Goberno correspondente á ordinaria do 22 de abril de 2016

En tempo e forma, presentou alegacións á proposta de resolución provisional do dito concurso o seguinte solicitante:

- Manuel Carnero Gómez, en representación da Federación de Asociacións de Veciños Limiar.

Con data 18 de abril de 2015, a Comisión de Valoración **procedeu á formulación de proposta de resolución** das alegacións presentadas, co seguinte contido:

Federación de Asociacións de Veciños Limiar:

O reclamante alega que, tendo en conta que ao tratarse dunha federación provincial con 29 asociacións federadas e un total de socios de 4.748, se lle rebaixan 4.772,11 € do importe solicitado, é polo que solicita que os 4.817,44 € que se lle dan a maiores á Agrupación de AAVV Miño en relación coa federación, se reparta ao 50 % con eles.

En relación con esta alegación, compre indicar, en primeiro lugar, que esta convocatoria se tramita polo procedemento de concorrência competitiva, entendendo esta como o procedemento mediante o cal a concesión das subvencións se realiza mediante a comparación das solicitudes presentadas, a fin de establecer unha prelación entre estas de acordo cos criterios de valoración previamente fixados na convocatoria.

Segundo os ditos criterios de valoración, establecidos na base oitava da convocatoria, dispónse o seguinte:

“1. As solicitudes admitidas a trámite avalíaranse segundo os dous indicadores xerais seguintes:

- a) Número total de socios das asociacións veciñais agrupadas na federación solicitante. Asignaráselle 50 puntos á federación que agrupe ás asociacións cun maior número de socios, puntuándose o resto en proporción directa.*
- b) Volume de gasto corrente orzado. Asignaráselle 50 puntos á federación que presente un maior orzamento de gasto corrente, puntuándose o resto en proporción.*

2. O valor económico do punto resultará de dividir o importe total do crédito orzamentario destinado á convocatoria entre o número total de puntos sumados polos solicitantes.

3. A subvención que corresponda a cada solicitante determinarase multiplicando a puntuación obtida polo valor económico do punto, tendo en conta que ningunha entidade

Acta da Xunta de Goberno correspondente á ordinaria do 22 de abril de 2016

poderá recibir subvención por importe superior ao seu orzamento de gasto corrente subvencionable.

Os remanentes que se produzan como consecuencia da aplicación das regras anteriores repartiranse entre o resto de solicitudes, aplicando entre elas os criterios recollidos no apartado 1.

4. A Comisión de Valoración puntuará as solicitudes formuladas conforme cos criterios sinalados, e propondrá o outorgamento das subvencións polos importes resultantes e por rigorosa orde de puntuación, ata esgotar o crédito dispoñible.”

Neste senso, en canto ao primeiro criterio, relativo ao número total de socios, o alegante acreditou 4748 socios e a Agrupación de AAVV Miño, 3818 socios; en consecuencia, correspóndenlle 50 puntos á primeira entidade e 40,21 puntos á segunda.

En canto ao segundo criterio, e tendo en conta que o proxecto presentado con maior orzamento (53.850,00 €) é o da Agrupación de AAVV Miño, asignáronse os 50 puntos, e á Federación de Asociacións de Veciños Limiar, cun orzamento de 22.943,39 €, correspóndenlle, proporcionalmente, 21,30 puntos, en relación coa puntuación máxima establecida nos criterios de valoración.

En consecuencia do exposto, a valoración está correctamente realizada, polo que se mantén o enunciado na proposta provisional de resolución.

En virtude de canto antecede, a **comisión**, por unanimidade, **acorda elevar á Xunta de Goberno** da Deputación **proposta definitiva de** resolución do concurso co seguinte contido:

1º) Desestimar a alegación presentada por don Manuel Carnero Gómez, en representación da Federación provincial de AAVV de Ourense Limiar, polos motivos recollidos nesta acta, que poderá incorporarse como anexo ao acto de resolución ao abeiro do disposto no artigo 89.5 da Lei 30/1992, do 26 de novembro, de réxime xurídico das administracións públicas e do procedemento administrativo común.

2º) Concederlles, conforme á valoración efectuada e unha vez resoltas as alegacións presentadas, as subvencións polos importes e puntuacións que se indican, aos seguintes solicitantes:

SOLICITANTE	CIF	CONTÍA SUBVENCIÓN €
Federación da AAVV Ourense Limiar	G32226276	18.171,28.-
Agrupación de AAVV Miño	G32408023	22.988,72.-

Acta da Xunta de Goberno correspondente á ordinaria do 22 de abril de 2016

Federación Provincial de Mulleres Rurais As Burgas	G32362816	1.500,00.-
Federación de AAVV do Carballiño	G32247926	7.340,00.-

3.- APROBACIÓN DE SUBVENCIÓN Á ASOCIACIÓN MUSICAL DE TRASMIRAS.- No Pleno de data 25 de setembro de 2015, acordouse consignar no orzamento xeral para o ano 2016, e con cargo á aplicación 46204-33420, a cantidade de 20.000,00 euros a favor da Asociación Musical de Trasmiras, para os gastos da entidade correspondentes ao curso 2015-2016.

Unha vez vista a solicitude formulada pola presidencia da mencionada entidade, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención á Asociación Musical de Trasmiras, nos seguintes termos:

-Importe: 20.000,00 €.

-Obxecto: gastos da entidade correspondentes ao curso 2015-2016.

-Xustificación: a subvención xustificárase mediante a presentación da conta xustificativa polo importe do 100% da subvención concedida, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente.

De acordo co establecido no artigo 16 da Ordenanza Xeral de Subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta

Acta da Xunta de Goberno correspondente á ordinaria do 22 de abril de 2016

xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 31 de agosto de 2016.

4.- APROBACIÓN DE SUBVENCIÓN Ó CONCELLO DE BANDE.- No Pleno, con data 25 de setembro de 2015, acordouse consignar no orzamento xeral para o ano 2016, e con cargo á aplicación 450.12/762.01, a cantidade de 14.948,53 euros, a favor do Concello de Bande para equipamento e mellora do salón de actos do concello.

Unha vez vista a solicitude, por importe de 14.889,20 euros, formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Bande, nos seguintes termos:

-Importe: 14.889,20 euros.

-Obxecto: equipamento e mellora do salón de actos do concello.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza xeral de subvencións, as subvencións, como regra xeral, seranlle aboadas ao beneficiario unha vez xustificadas, no

Acta da Xunta de Goberno correspondente á ordinaria do 22 de abril de 2016

prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 31 de agosto de 2016.

5.- APROBACIÓN DE SUBVENCIÓN Ó CONCELLO DE CELANOVA.- No Pleno, con data 25 de setembro de 2015, acordouse consignar no orzamento xeral para o ano 2016, e con cargo á aplicación 46205-45012, a cantidade de 25.000,00 euros, a favor do Concello de Celanova para gastos de mantemento do servizo da Escola Infantil Municipal de Celanova.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Celanova, nos seguintes termos:

-Importe: 25.000,00 euros.

-Obxecto: gastos de mantemento do servizo da Escola Infantil Municipal de Celanova.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que os gastos xustificadas acadan o 100% da subvención concedida.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Acta da Xunta de Goberno correspondente á ordinaria do 22 de abril de 2016

-Prazo xustificación: ata o 31 de outubro de 2016.

6.- APROBACIÓN DE SUBVENCIÓN Ó CONCELLO DA GUDIÑA.- No Pleno, con data 29 de xaneiro de 2016, acordouse aprobar o expediente n.º 1/2016 de modificación das bases de execución do actual orzamento, figurando con cargo á aplicación orzamentaria 450.12/462.10 unha subvención nominativa, por importe de 15.000,00 euros, a favor do Concello da Gudiña para gastos da Casa da Viúva.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello da Gudiña, nos seguintes termos:

-Importe: 15.000,00 euros.

-Obxecto: gastos da Casa da Viúva.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que os gastos xustificadas acadan o 100% da subvención concedida.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 31 de outubro de 2016.

Acta da Xunta de Goberno correspondente á ordinaria do 22 de abril de 2016

7.- APROBACIÓN DE SUBVENCIÓN Ó CONCELLO DA GUDIÑA.- No Pleno, con data 29 de xaneiro de 2016, acordouse aprobar o expediente n.º 1/2016 de modificación das bases de execución do actual orzamento, figurando con cargo á aplicación orzamentaria 450.12/762.01 unha subvención nominativa, por importe de 23.815,00 euros, a favor do Concello da Gudiña para obras na vía de acceso do polígono industrial.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello da Gudiña, nos seguintes termos:

-Importe: 23.815,00 euros.

-Obxecto: obras na vía de acceso do polígono industrial.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 23 de xullo de 2016.

Acta da Xunta de Goberno correspondente á ordinaria do 22 de abril de 2016

8.- APROBACIÓN DE SUBVENCIÓN Ó CONCELLO DE PIÑOR.- No Pleno, con data 29 de xaneiro de 2016, acordouse aprobar o expediente n.º 1/2016 de modificación das bases de execución do actual orzamento, figurando con cargo á aplicación orzamentaria 450.12/762.01 unha subvención nominativa, por importe de 10.000,00 euros, a favor do Concello de Piñor, para o arranxo de fontes municipais.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Piñor, nos seguintes termos:

-Importe: 10.000,00 euros.

-Obxecto: arranxo de fontes municipais.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 23 de xullo de 2016.

Acta da Xunta de Goberno correspondente á ordinaria do 22 de abril de 2016

9.- APROBACIÓN DE SUBVENCIÓN Ó CONCELLO DE PORQUEIRA.- No Pleno, con data 25 de setembro de 2015, acordouse consignar no orzamento xeral para o ano 2016, e con cargo á aplicación 450.12/762.01, a cantidade de 18.000,00 euros, a favor do Concello de Porqueira, para reforma levada do regadío na Forxa.

Unha vez vista a solicitude formulada pola alcaldesa do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de Porqueira, nos seguintes termos:

-Importe: 18.000,00 euros.

-Obxecto: reforma levada do regadío na Forxa.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 23 de xullo de 2016.

Acta da Xunta de Goberno correspondente á ordinaria do 22 de abril de 2016

10.- APROBACIÓN DE SUBVENCIÓN Ó CONCELLO DE SAN CIBRAO DAS VIÑAS.- No Pleno, con data 25 de setembro de 2015, acordouse consignar no orzamento xeral para o ano 2016, e con cargo á aplicación 450.12/762.01, a cantidade de 50.000,00 euros, a favor do Concello de San Cibrao das Viñas, para a construción dun ximnasio en Ponte Noalla.

Unha vez vista a solicitude formulada polo alcalde do mencionado concello, comprobado pola Sección de Subvencións que a dita solicitude cumpre co establecido na lexislación de subvencións e nas bases de execución dos orzamentos, e de conformidade coa proposta formulada, a **Xunta de Goberno**, por unanimidade, **acorda** aprobar unha subvención ao Concello de San Cibrao das Viñas complementaria á concedida ao dito concello por acordo da Xunta de Goberno do día 4 de decembro de 2015, para a mesma finalidade, nos seguintes termos:

-Importe: 50.000,00 euros.

-Obxecto: construción dun ximnasio en Ponte Noalla.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos, respecto a actuación subvencionada:

- Que se cumpriu a finalidade para a que foi concedida a subvención.
- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- Que a xustificación da subvención concedida acada o 100% do importe do proxecto que serviu de base para a concesión da subvención, indicando, en caso contrario, a porcentaxe que supón.
- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Acta da Xunta de Goberno correspondente á ordinaria do 22 de abril de 2016

-Prazo xustificación: ata o 31 de outubro de 2016.

11.- APROBACIÓN DO PLAN ANUAL DE PUBLICACIÓNS PARA O EXERCICIO

2016.- Unha vez visto o informe emitido polo Consello Asesor de Publicacións con data 19 de abril de 2016, e de conformidade coa proposta favorable da Presidencia, a **Xunta de Goberno**, por unanimidade, **adopta** o seguinte **acordo**:

1º.- Aprobar o Plan anual de publicacións da Deputación Provincial de Ourense correspondente ao exercicio 2016, co contido seguinte:

I. Memoria xustificativa

Os elementos determinantes tomados en consideración para a elaboración deste Plan anual de publicacións 2016 foron os seguintes:

a) En primeiro lugar, o contido preceptivo do dito plan establecido polo artigo 6 da Ordenanza de publicacións da Deputación, conforme ao cal o plan debe conter, como mínimo, os criterios xerais para a selección e edición de obras ao longo do exercicio, os criterios para a realización de obras en réxime de coedición, a previsión de edicións ou liñas de publicacións concretas, as convocatorias de selección ou encargo de obras previstas, e o custo estimado das accións previstas.

b) En segundo lugar, as dispoñibilidades orzamentarias existentes, que se limitan a un importe de **183.000,00** euros para edicións e publicacións, conforme se establece no capítulo II do programa de gasto 33416 (edicións e publicacións) dos orzamentos da Deputación Provincial de Ourense para o exercicio 2016.

Seguindo os elementos que conforman o contido deste plan, os criterios seguidos foron os seguintes:

No que se refire aos criterios xerais para a selección e edición de obras ao longo do exercicio, distinguíuse entre obras que non son seleccionadas mediante concorrencia competitiva e as que si o son.

No caso das obras que non son seleccionadas mediante concorrencia competitiva, e tendo en conta os supostos regulados na ordenanza nos que procede a selección deste xeito (que, conforme co artigo 7.3, son os de reedición de obras anteriormente editadas pola Deputación, edición de obras de autores ourensáns de recoñecido prestixio, ou obras que teñan a consideración de clásicos da cultura galega, en particular edicións de carácter

Acta da Xunta de Goberno correspondente á ordinaria do 22 de abril de 2016

conmemorativo, facsimilares ou edicións críticas, edición de obras que recollan a actividade propia dos servizos da Deputación Provincial e edición de obras que foron obxecto de premios outorgados pola Deputación Provincial ou por entidades locais da provincia de Ourense) inclúense as publicacións seguintes:

En canto á edición de obras de autores ourensáns de recoñecido prestixio, ou que teñan a consideración de clásicos da cultura galega, en particular edicións de carácter conmemorativo, facsimilares ou edicións críticas:

-Dúas obras que estaban previstas no Plan anual de publicacións da Deputación Provincial de Ourense correspondente ao exercicio 2015 e quedaron sen facer por motivos diversos.

1º) En primeiro lugar, os traballos preparatorios do tomo I da futura publicación *Obra epistolar de Eduardo Blanco Amor* que comprende as cartas intercambiadas por Eduardo Blanco Amor con cerca de 300 remitentes ao longo de case medio século, incluíndo a personalidades da cultura e outros ámbitos en Galicia, España e Hispanoamérica. A edición desta obra está previsto realizala en tres tomos, dos que o primeiro –cuxa preparación se iniciaría neste ano 2016– comprenderá as cartas de remitentes do ámbito cultural galego (que abrangue uns 70 nomes entre os que se atopan personalidades como Basilio Álvarez, Bouza Brey, Carlos Casares, Ramón Piñeiro, Otero Pedrayo...).

2º) En segundo lugar, prevese a edición da obra: González Vázquez, Xosé Lois: *Carrabouxo XXI*.

Ademais, destas dúas obras, procedentes do Plan 2015, inclúense as seguintes:

3º) En terceiro lugar, unha publicación con fotografías de Eduardo Blanco Amor, para o que primeiramente habería que facer unha selección.

4º) Por último, unha obra sobre o escultor Acisclo Manzano, dentro da colección *Artistas Ourenseiros* desta Deputación, que constituiría o volume VI da dita colección.

En canto a obras que recollan a actividade propia dos servizos provinciais, recóllense as propostas das que se tivo coñecemento na Sección de Publicacións e Arquivo, consistentes en:

a) Publicacións de Presidencia:

-Unha edición que estaba prevista no Plan do ano 2015 e que por motivos diversos quedou sen facer: a edición en CD do Himno da Provincia de Ourense, *Ourense no solpor*, obra de Manuel de Dios, aprobado por acordo do Pleno da Deputación do 31 de outubro de 2014.

Acta da Xunta de Goberno correspondente á ordinaria do 22 de abril de 2016

-Traballos preparatorios, maqueta e tradución dos textos que conformarán unha edición que sirva como presentación da provincia e das súas singularidades, con especial atención ao termalismo. Os textos serán traducidos ao galego e ao inglés, coa intención de conformar unha futura edición trilingüe. Levará por título *Ourense, provincia termal*

b) Publicacións da Escola de Gaitas

Anuario da Gaita n.º 30 (2015). [Publicación periódica]

c) Publicacións do Centro de Estudos Xaquín Lorenzo

Raigame, n.º 39.[Publicación periódica]

Xornal Romaría Raigame

En canto á edición de obras premiadas pola Deputación Provincial, prevese a edición da obra gañadora do XIII premio Pura e Dora Vázquez 2015.

No caso das obras que serán seleccionadas mediante concorrencia competitiva, optouse por prever a súa selección, como en exercicios anteriores, atendendo exclusivamente a criterios de calidade das obras ofertadas e ao seu interese para os fins de divulgación da realidade ourensá e de fomento da cultura propios do Servizo de Publicacións. Estes criterios, pola súa propia natureza, non son susceptibles dunha baremación obxectiva, ao depender de xuízos de valor. Considérase, a este respecto, que debe ser a Presidencia da Deputación, co informe - proposta do Consello Asesor de Publicacións, a que motive de xeito suficiente a determinación das obras que finalmente se seleccionen. En canto á previsión de liñas de publicación concretas, e ao igual que no exercicio anterior, optouse por definilas coa máxima amplitude, establecendo unha serie de liñas xerais que veñen a corresponder cos contidos das publicacións tradicionalmente realizadas polo Servizo de Publicacións (compilacións, escolmas ou antoloxías de artigos publicados en periódicos locais de Ourense ou nas edicións locais de periódicos de ámbito máis amplo, así como gravacións ou transcricións escritas de programas radiofónicos locais; obras que teñan por obxecto o estudo ou divulgación do patrimonio cultural material e inmaterial ou do patrimonio natural de Ourense; estudos históricos, científicos, xurídicos ou literarios relacionados coa provincia de Ourense e obras artísticas, literarias ou musicais de autores ourensáns de temática libre). Non se establece unha reserva de crédito orzamentario específica para ningunha destas liñas, nin tampouco unha orde de prelación entre elas,

Acta da Xunta de Goberno correspondente á ordinaria do 22 de abril de 2016

determinación que se levará a cabo no seu momento, con criterios exclusivamente de calidade e interese das obras á vista da oferta de publicacións que se reciba.

En canto aos criterios para a realización de obras en réxime de coedición, seguiuuse o mesmo criterio de seleccionar as que se oferten en función da súa calidade e interese, pero tendo en conta tamén a porcentaxe de cofinanciamento ofertada polo potencial coeditor.

Ademais, e atendendo ao criterio proposto polo Consello Asesor de Publicacións xa na valoración do concurso de selección de obras de 2014, e ao igual que se fixo no Plan 2015, establécese a exclusión da publicación de teses doutorais, ao considerarse que este tipo de traballos non deben ser obxecto de publicación polo servizo provincial, ao estar dirixidos a un público especializado que conta hoxe en día con canles de difusión específicas, fundamentalmente a través de Internet. Non obstante, admítase a publicación de versións abreviadas de teses doutorais, adaptadas para a súa lectura polo público en xeral. Por razóns análogas, exclúese tamén neste Plan 2016 a publicación de actas de congresos, simposios, seminarios, xornadas ou similares.

Con respecto ás convocatorias de selección de obras, e tendo en conta os criterios sinalados para a súa selección, considerouse que por razóns de simplificación da tramitación era preferible reducir as convocatorias a unha única, de carácter xeral, na que os interesados poderán realizar as ofertas tanto de obras para editar pola Deputación como de obras en réxime de coedición.

En canto ao custo estimado das accións previstas, recóllense os custes orzados pola Sección de Arquivo e Publicacións para as obras seleccionadas directamente, reservándose o resto do crédito dispoñible globalmente para as obras que se seleccionen en réxime de concorrência competitiva e en réxime de coedición, sen asignar contías concretas ás diferentes liñas de publicación, adiando a súa concreción ao momento en que se realice a selección. En todo caso, o orzamento previsto non supera a dotación dispoñible total de **183.000,00 €**, prevista nos orzamentos da Deputación de Ourense para o exercicio 2016.

II. Determinacións do Plan anual 2016

1ª) Criterios xerais para a selección e edición de obras no exercicio 2016

Os criterios para a selección e edición de obras no exercicio 2016 serán os seguintes:

Acta da Xunta de Goberno correspondente á ordinaria do 22 de abril de 2016

a) Con respecto ás obras non seleccionadas mediante concorrencia competitiva: o Plan determina directamente estas obras, seguindo os criterios recollidos na memoria xustificativa.

b) Obras seleccionadas mediante concorrencia competitiva: establécense como criterios de selección a calidade das obras presentadas e o seu interese para os fins de divulgación da realidade ourensá e de fomento da cultura propios do Servizo de Publicacións. A valoración das obras deberá estar suficientemente motivada.

c) Obras en réxime de coedición: establécense como criterios de selección os seguintes:

- A calidade das obras presentadas e o seu interese para os fins de divulgación da realidade ourensá e de fomento da cultura propios do Servizo de Publicacións.

- A porcentaxe de participación do solicitante no custe total da edición.

d) Quedan excluídas da súa posible publicación ao abeiro deste plan as teses doutorais, xa que para este tipo de publicacións, dirixidas a un público especializado, existen outras vías alternativas. Non obstante, admitiranse a concurso e serán obxecto de valoración as versións abreviadas das teses doutorais que poidan ter como destinatario un público máis amplo. Exclúese igualmente a publicación de actas de congresos, simposios, seminarios, xornadas ou similares.

2ª) Previsión de edicións e liñas de publicación concretas:

2ª A) Edicións de obras non seleccionadas mediante concorrencia competitiva:

Ao abeiro do artigo 7.3 da vixente Ordenanza reguladora do servizo de publicacións, inclúese no Plan de publicacións 2016 a edición das seguintes obras:

a) Obras de autores ourensáns de recoñecido prestixio, ou que teñan a consideración de clásicos da cultura galega, en particular edicións de carácter conmemorativo, facsimilares ou edicións críticas:

- Traballos de preparación da edición da *Obra epistolar de Eduardo Blanco Amor, volume I*, a cargo de don Luís González Tosar e dona Malores Villanueva.

- Carrabouxo XXI*. Edición da obra, con viñetas seleccionadas de entre as realizadas por Xosé Lois González Vázquez nos cinco últimos anos sobre o personaxe *O Carrabouxo*. Tirada: 4.000 exemplares.

Acta da Xunta de Goberno correspondente á ordinaria do 22 de abril de 2016

-Selección de fotografías de Eduardo Blanco Amor, para unha publicación con fotografías deste personaxe. A selección estará a cargo de don Luís González Tosar.

-*Acisclo* Vol. VI dentro da colección Artistas Ourensanos, a cargo de Mercedes Gallego, e Mani Moretón [coa colaboración de Luís Tosar e Pilar Corredoira]. Tirada: 500 exemplares.

b) Obras que recollen a actividade propia dos servizos da Deputación Provincial de Ourense:

Publicacións de Presidencia:

-Edición en CD do Himno da Provincia de Ourense, *Ourense no solpor*, obra de Manuel de Dios, aprobado por acordo do Pleno da Deputación do 31 de outubro de 2014.

Ourense provincia termal, traballos preparatorios, traducións e maqueta.

-Traballos preparatorios. Redacción de textos, tradución ao galego e ao inglés e deseño e maqueta, quedando a impresión para o exercicio do 2017.

Publicacións da Escola de Gaitas

-*Anuario da Gaita* n.º 30 (2015). Tirada: 750 exemplares da publicación periódica, que recolle –dende 1986– a actividade desenvolvida pola Escola Provincial de Gaitas e a Real Banda de Gaitas da Deputación de Ourense, así como información e novas relativas a este instrumento musical e á música tradicional galega en xeral.

Publicacións do Centro de Estudios Xaquín Lorenzo

- *Raigame*, n.º 39. Publicación periódica. Tirada: 1000 exemplares. Contratación do deseño e maqueta con posterior impresión a cargo dos negociados do BOP e a Imprenta. Tirada: 500 exemplares.

- *Xornal Raigame*, n.º 12. Edición de 5.000 exemplares para a súa distribución gratuíta na Romaría Etnográfica *Raigame*, que se realiza o Día das Letras Galegas en Vilanova dos Infantes (Celanova). Elaborado polo Centro de Cultura Popular Xaquín Lorenzo “Xocas”, dependente da Deputación Provincial de Ourense. Impresión a cargo do Negociado do BOP e Imprenta Provincial, con cargo ao orzamento para gastos xerais desta unidade administrativa, polo que non precisa dotación orzamentaria no marco do Plan anual de publicacións.

c) Obras obxecto de premios outorgados pola Deputación Provincial de Ourense:

- Premio Pura e Dora Vázquez 2015. Tirada 600 exemplares

2º.B) Edición de obras seleccionadas mediante procedementos de concorrencia competitiva.

Acta da Xunta de Goberno correspondente á ordinaria do 22 de abril de 2016

Neste apartado, prevese a edición das obras que seleccione a Presidencia da Deputación Provincial de Ourense, mediante procedemento de concorrencia competitiva, ao longo do exercicio 2016.

Para estes efectos, e unha vez aprobado este Plan, a Xunta de Goberno, tras o informe previo do Consello Asesor de Publicacións, procederá á aprobación das bases reguladoras do procedemento de selección e á realización da correspondente convocatoria pública, conforme ás seguintes regras:

1ª) As bases e a convocatoria publicaranse no Boletín Oficial da Provincia de Ourense e na sede electrónica da Deputación Provincial. O prazo para a formulación de solicitudes será dun mes, contado a partir do día seguinte ao da publicación da convocatoria respectiva no BOP.

2ª) Establécense as seguintes liñas de publicacións para o ano 2016:

1. Compilacións, escolmas ou antoloxías de artigos publicados en periódicos locais de Ourense ou nas edicións locais de periódicos de ámbito máis amplo, así como gravacións ou transcripcións escritas de programas radiofónicos locais.

2. Obras que teñan por obxecto o estudo ou divulgación do patrimonio cultural material e inmaterial ou do patrimonio natural de Ourense.

3. Estudos históricos, científicos, xurídicos ou literarios relacionados coa provincia de Ourense.

4. Obras artísticas, literarias ou musicais de autores ourensáns de temática libre.

3ª) Admitiranse a estudo as obras cuxa temática encaixe en calquera das sinaladas nos apartados anteriores, tanto se se trata de obras escritas como audiovisuais, sempre que se trate de obras concluídas e, polo tanto, dispoñibles para iniciar a preparación da súa edición no exercicio 2016. As obras deben ser exclusivamente orixinais.

Exclúense as teses doutorais, que non serán admitidas a estudo. Non obstante, admitiranse as versións abreviadas de teses doutorais que, polas súas características, poidan ir dirixidas ao público en xeral.

Exclúese igualmente a publicación de actas de congresos, simposios, seminarios, xornadas ou similares.

4ª) Os criterios de selección serán, exclusivamente, a calidade das obras presentadas e o seu interese para os fins de divulgación da realidade ourensá e de fomento da cultura

Acta da Xunta de Goberno correspondente á ordinaria do 22 de abril de 2016

proprios do Servizo de Publicacións. A valoración das obras deberá estar suficientemente motivada.

5ª) As solicitudes deberán formularse polos autores das obras ou polos titulares dos dereitos de edición. Os solicitantes deberán achegar, coa súa solicitude, un exemplar da obra nas condicións e formato que indiquen as bases reguladoras, así como unha ficha coas características técnicas da edición solicitada, que en todo caso non terá carácter vinculante para a Deputación Provincial.

6ª) Por razóns de economía de procedemento, a convocatoria no exercicio 2016 terá carácter único, distribuíndose a contía reservada neste plan entre as distintas obras seleccionadas. Para estes efectos, a Presidencia establecerá discrecionalmente as características técnicas e a tirada das edicións seleccionadas, co fin de posibilitar a edición do máximo número de obras posibles. En todo caso, a realización da edición quedará condicionada á aceptación expresa das condicións de edición por parte dos autores.

A Presidencia poderá establecer unha lista de obras en reserva para o suposto de que as obras seleccionadas non puidesen ser editadas por calquera causa sobrevida.

7ª) A resolución da Presidencia será adoptada previo o informe preceptivo do Consello Asesor de Publicacións.

3ª) Selección de obras en réxime de coedición.

A convocatoria do concurso para selección de obras para a súa edición pola Deputación terá por obxecto tamén a selección de obras en réxime de coedición.

As obras en réxime de coedición que se presenten deberán corresponderse coas liñas de publicación definidas no apartado 3º deste plan.

Os solicitantes deberán asumir, como mínimo, o 20 % do custe da edición.

Os criterios de selección serán os seguintes:

a) A calidade das obras presentadas e o seu interese para os fins de divulgación da realidade ourensá e de fomento da cultura propios do Servizo de Publicacións.

b) A maior porcentaxe de participación ofrecida polo solicitante no custe total da edición.

Serán de aplicación a esta convocatoria as regras establecidas para a convocatoria do concurso para a selección de obras para a súa edición pola Deputación.

Acta da Xunta de Goberno correspondente á ordinaria do 22 de abril de 2016

Non se reserva crédito orzamentario específico para a liña de coedicións, aplicándose o crédito global existente en función das peticións recibidas.

4ª) Orzamento do Plan:

A dotación orzamentaria do Plan anual de publicacións é de **183.000 euros**, correspondentes co crédito orzamentario previsto no capítulo II do programa de gasto 33416 (edicións e publicacións) dos orzamentos da Deputación Provincial de Ourense para o exercicio 2016.

A distribución dos fondos previstos no orzamento conforme ao seguinte Plan é a seguinte:

I. Obras seleccionadas directamente:

a) Obras de autores ourensáns de recoñecido prestixio, ou que teñan a consideración de clásicos da cultura galega, en particular edicións de carácter conmemorativo, facsimilares ou edicións críticas:

-Traballos de preparación da edición da *Obra epistolar de Eduardo Blanco Amor, volume I*, a cargo de don Luís González Tosar e dona Malores Villanueva.

Orzamento estimado: **3.000 €**

-*Carrabouxo XXI*. Edición da obra con viñetas seleccionadas de entre as realizadas por Xosé Lois González Vázquez, nos cinco últimos anos sobre o personaxe *O Carrabouxo*. Tirada: 4.000 exemplares.

Orzamento estimado: **18.000 €**

- *Fotografías de Eduardo Blanco Amor*, cuxa selección estará a cargo de don Luís González Tosar.

Orzamento estimado: **2.000 €**

- *Acisclo* Vol. VI dentro da colección Artistas Ourensanos, a cargo de Mercedes Gallego e Mani Moretón

Orzamento estimado: **26.300 €**

b) Obras que recollen a actividade propia dos servizos da Deputación Provincial de Ourense:
Publicacións de Presidencia: e

-Edición en CD do Himno da Provincia de Ourense, *Ourense no solpor*, obra de Manuel de Dios, aprobado por acordo do Pleno da Deputación do 31 de outubro de 2014.

Orzamento estimado: 42.500 euros.

Acta da Xunta de Goberno correspondente á ordinaria do 22 de abril de 2016

-*Ourense provincia termal*, Traballos preparatorios, traducións e maqueta.

Orzamento estimado: 37.163 €

Publicacións da Escola de Gaitas

- *Anuario da Gaita*, n.º 30 de 2014. Publicación anual que recolle –dende 1986– a actividade desenvolvida pola Escola Provincial de Gaitas e a Real Banda de Gaitas da Deputación de Ourense, así como información e novas relativas a este instrumento musical e á música tradicional galega en xeral. Revista de 88 páxinas. Tirada 750 exemplares.

Orzamento estimado. **4.973,84 €**

Publicacións do Centro de Estudios Xaquín Lorenzo

- *Xornal Raigame*, n.º 11. Sen custe no presente orzamento.

- Revista *Raigame*, n.º 39:

Contratación do deseño e maqueta artes finais máis impresión de 1.000 exemplares a cargo do Negociado do BOP e Imprenta Provincial.

Orzamento estimado. Maqueta e realización de artes finais: 1.800,00 €. Máis os gastos de filmación dos ferros, e a encadernación na imprenta provincial, que aumentarían o orzamento ata **2.800 €**.

c) Obras obxecto de premios outorgados pola Deputación Provincial de Ourense:

- Premio Pura e Dora Vázquez 2016.

Características xerais: Tirada: 600 exemplares. Edición rústica, color.

Orzamento estimado: **3.500 €**

Total orzamento de obras determinadas sen concorrencia pública: 140.236,84 €

II. Obras seleccionadas mediante procedementos de concorrencia competitiva e obras en réxime de coedición:

Asígnase ademais para estas dúas liñas de actuación a totalidade do crédito remanente, por importe de **42.763,16 €**, concretándose a súa distribución na resolución da convocatoria que se efectúe para a selección das obras, conforme cos criterios sinalados nos apartados 1º, 2º.B) e 3º das determinacións deste Plan.

2º.- Ordenar a publicación do Plan anual de publicacións no BOP e na sede electrónica da Deputación Provincial, para xeral coñecemento.

Acta da Xunta de Goberno correspondente á ordinaria do 22 de abril de 2016
--

12.- APROBACIÓN DAS BASES REGULADORAS DO CONCURSO PARA SELECCIÓN DE OBRAS PARA A SÚA EDICIÓN OU COEDICIÓN POLA DEPUTACIÓN PROVINCIAL CORRESPONDENTE AO EXERCICIO 2016.-

Pola Secretaría Xeral da Deputación coa asistencia da Sección de Arquivos e Publicacións, elaborouse unha proposta das bases reguladoras do concurso para selección de obras para a súa edición ou coedición pola Deputación Provincial correspondente ao exercicio 2016, que foi sometida a informe do Consello Asesor de Publicacións o 19 de abril de 2016.

Polo exposto, á vista do informe favorable emitido polo dito órgano asesor, e de conformidade coa proposta formulada, a **Xunta de Goberno**, por unanimidade, **adopta** o seguinte **acordo**:

1º) Aprobar as bases reguladoras do concurso para selección de obras para a súa edición ou coedición pola Deputación Provincial correspondente ao exercicio 2016, co contido seguinte:

Primeira.- Obxecto

1. *Constitúe o obxecto destas bases a regulación do concurso público correspondente ao exercicio 2016 para a selección de obras para a súa edición, publicación e distribución pola Deputación Provincial de Ourense, en calquera das seguintes dúas modalidades:*

- a) Edición exclusivamente a cargo da Deputación Provincial.*
- b) Coedición entre a Deputación Provincial e entidades sen ánimo de lucro.*

2. *Poderán presentarse ao concurso regulado nestas bases as obras científicas, artísticas, literarias ou musicais, realizadas en calquera formato ou soporte (escrito, fonográfico ou audiovisual) que correspondan a calquera das seguintes liñas de publicación:*

2.1) *Compilacións, escolmas ou antoloxías de artigos publicados en periódicos locais de Ourense ou nas edicións locais de periódicos de ámbito máis amplo, así como gravacións ou transcricións escritas de programas radiofónicos locais.*

2.2) *Obras que teñan por obxecto o estudo ou divulgación do patrimonio cultural material e inmaterial ou do patrimonio natural de Ourense.*

2.3) *Estudos históricos, científicos, xurídicos ou literarios relacionados coa provincia de Ourense.*

Acta da Xunta de Goberno correspondente á ordinaria do 22 de abril de 2016

2.4) *Obras artísticas, videográficas, literarias ou musicais de autores ourensáns de temática libre.*

En todo caso, para seren admitidas a concurso, as obras deben cumprir os seguintes requisitos adicionais:

a) Debe tratarse de obras concluídas na data de remate do prazo de presentación de solicitudes e, polo tanto, dispoñibles para iniciar a preparación da súa edición no exercicio 2016.

b) As obras deben ser exclusivamente orixinais.

3. Non se admitirán a concurso as teses doutorais, ao considerarse que este tipo de traballos, dirixidos a un público altamente especializado, non deben ser obxecto de edición a través do servizo provincial. Non obstante, admitiranse as versións abreviadas de teses doutorais que, axustándose ás liñas de publicacións recollidas no apartado anterior, poidan ter como destinatario ao público en xeral.

Tampouco se admitirán a concurso as actas de congresos, xornadas, simposios ou similares.

4. Para os efectos previstos no apartado 2.4 desta base, consideraranse autores ourensáns as persoas físicas nadas na provincia de Ourense ou residentes nela, neste último caso cunha residencia mínima ininterrompida de dous anos previos á data de solicitude de publicación da súa obra.

Igualmente, terán a consideración de autores ourensáns as persoas xurídicas domiciliadas na provincia de Ourense que sexan titulares de dereitos de autor sobre obras colectivas conforme co disposto na lexislación de propiedade intelectual.

Segunda.- Condiciones de edición ou coedición das obras seleccionadas

1. As obras seleccionadas a través deste concurso serán editadas pola Deputación Provincial baixo as condicións que se establezan nos correspondentes contratos de edición, que serán obxecto de negociación cos autores seleccionados no marco do previsto nesta base, debendo recollerse nas cláusulas dos ditos contratos, necesariamente, as seguintes condicións xerais:

a) Lingua de edición: a edición realizarase na lingua elixida polo autor, entre as dúas linguas cooficiais (galego ou castelán).

Acta da Xunta de Goberno correspondente á ordinaria do 22 de abril de 2016

Non obstante o anterior, no caso de obras editadas en lingua castelá, a Deputación poderá realizar ademais, en todo caso, unha edición en lingua galega, sempre que as disponibilidades orzamentarias o permitan.

No caso de obras editadas en lingua galega, a Deputación poderá realizar unha edición en lingua castelá ou noutras linguas, sempre que se xustifique o seu interese, en particular, para a difusión da realidade ourensá fóra de Galicia.

Para a efectividade do establecido nos dous parágrafos anteriores, os autores, no contrato de edición, deberán autorizar sempre o dereito da Deputación a traducir a obra e realizar unha edición noutras linguas diferentes á orixinal.

b) O contrato de edición estipulará a cesión á Deputación dos dereitos para unha edición da obra, así como para a súa tradución a calquera lingua e a realización da edición correspondente. A cesión non terá carácter exclusivo.

c) A retribución do autor consistirá exclusivamente na entrega dunha porcentaxe de ata o 25% dos exemplares editados. O resto de exemplares serán distribuídos pola Deputación Provincial.

d) A edición terá carácter venal, correspondéndolle á Deputación a fixación do prezo de venda, no marco da lexislación vixente, e a percepción dos ingresos correspondentes.

e) Os autores deberán responder da orixinalidade da obra e da dispoñibilidade dos seus dereitos de explotación, asumindo en todo caso a responsabilidade fronte á Deputación polo cumprimento do establecido na lexislación sobre propiedade intelectual.

f) Os autores deberán realizar a corrección dos textos (incluíndo a súa corrección lingüística, de ser necesaria) no prazo que se lles indique (que será, como mínimo, dun mes) aténdose ás pautas de corrección que indique o Negociado de Publicacións da Deputación.

g) As edicións incorporarán un breve texto de presentación suscrito polo presidente da Deputación.

h) Os apéndices documentais e fotográficos dos textos, de seren necesarios, non se incluírán no libro impreso, senón nun CD/DVD que se entregará co libro, co fin de reducir os custos das edicións.

Acta da Xunta de Goberno correspondente á ordinaria do 22 de abril de 2016

i) A edición axustarase ao deseño e características técnicas que estableza a Presidencia da Deputación Provincial, e nela figurará o logotipo identificativo da Deputación de Ourense e o de Ourensanía.

2. Nos supostos de coedición, esta será obxecto dun convenio entre a Deputación e o coeditor.

Será requisito imprescindible para a realización da coedición que o solicitante achegue unha porcentaxe mínima do 20% do custo da edición, determinada conforme á súa proposta de edición contida na ficha técnica.

As condicións xerais de edición sinaladas no apartado 1 serán aplicables á relación contractual entre o autor e a Deputación de Ourense, con excepción da referida ao carácter venal ou non venal da edición, que se definirá no convenio, conforme co acordado entre a Deputación e o coeditor.

O autor e o coeditor poderán estipular libremente os pactos que consideren convenientes, con respecto á porcentaxe da coedición que corresponda ao coeditor. Estes pactos en ningún caso serán opoñibles fronte á Deputación Provincial.

Nas obras coeditadas, ademais do logotipo da Deputación e o de Ourensanía, farase constar o logotipo do coeditor.

3. As edicións, atendendo á natureza das obras, realizaranse nos seguintes formatos:

a) No caso de obras escritas, editaranse en forma de libro impreso.

b) No caso de obras audiovisuais, editaranse en formato CD ou DVD.

Terceira.- Disponibilidades orzamentarias

O financiamento da edición das obras seleccionadas a través desta convocatoria realizarase con cargo ao programa de gasto 33416 (edicións e publicacións) do capítulo II dos orzamentos da Deputación Provincial de Ourense para o exercicio 2016.

A contía máxima dispoñible para a financiamento da edición das obras seleccionadas é de **42.763,16 €**.

Cuarta. Solicitudes: lugar e prazo de presentación, requisitos e documentación

1. As solicitudes presentaranse no prazo dun mes, contado a partir do día seguinte ao da publicación da convocatoria no Boletín Oficial da Provincia de Ourense, no rexistro xeral da Deputación Provincial de Ourense ou en calquera dos lugares previstos no artigo

Acta da Xunta de Goberno correspondente á ordinaria do 22 de abril de 2016

38.4 da Lei 30/1992, do 26 de novembro, de réxime xurídico das administracións públicas e procedemento administrativo común.

2. As solicitudes deberán formularse polo autor o autores da obra ou pola persoa que sexa titular dos dereitos de edición. A solicitude formularase en nome propio ou por medio de representante, empregando o modelo normalizado que figura como anexo I (no que se inclúe unha declaración responsable de atoparse ao corrente nas obrigas tributarias e de Seguridade Social e non estar incurso en causa legal de prohibición de contratación coa Deputación de Ourense) ao que se acompañarán os seguintes documentos:

a) Un exemplar da obra cuxa edición ou coedición se solicita, nas seguintes condicións:

- No caso de obras escritas, presentarase unha copia en papel e outra en soporte informático, en formato Adobe Reader, contido nun CD, DVD ou pen drive.

- No caso de obras audiovisuais, presentaranse en soporte informático, nun CD ou DVD, mediante aplicacións de uso habitual.

b) Unha ficha coas características técnicas da edición solicitada, segundo o modelo contido no anexo II. O contido da ficha presentada terá o carácter de simple proposta, e en ningún caso vinculará á Deputación Provincial, que decidirá discrecionalmente as características da edición, tendo en conta as disponibilidades orzamentarias e o interese da obra seleccionada.

c) Autorización, segundo o modelo anexo III, para recibir a través de correo electrónico e/ou sms a comunicación do aviso do inicio do prazo de emenda de deficiencias materiais na solicitude presentada e da publicación do acordo de resolución do concurso.

A presentación do documento sinalado neste apartado c) non é obrigatoria, senón voluntaria, pero, en caso de non presentarse, a Deputación non efectuará ningunha comunicación individual ao interesado relativa aos actos sinalados, facéndose pública a información correspondente exclusivamente a través da páxina web e ademais no BOP no caso da resolución do procedemento.

d) No suposto de solicitudes formuladas a través de representante, poder co que este actúe. Para tal efecto, admitirase o poder outorgado ante notario ou, alternativamente, autorización escrita outorgada polo poderdante acompañada dunha copia do seu DNI ou documento equivalente, para o que se poderá empregar o modelo anexo IV.

Acta da Xunta de Goberno correspondente á ordinaria do 22 de abril de 2016

e) No suposto de solicitudes de obras correspondentes á liña recollida no apartado 2.4 da base 1ª, os autores deberán presentar fotocopia do DNI no que conste o seu lugar de nacemento nun municipio de Ourense ou, no caso de residentes non nados na provincia, certificado de empadramento nun municipio de Ourense cunha antigüidade de, cando menos, dous anos dende a data de presentación da solicitude.

4. No suposto en que unha mesma persoa formule varias solicitudes de edición correspondentes a obras diferentes, deberá cubrirse unha solicitude para cada unha das obras. Non obstante, non será necesario achegar a documentación sinalada nos apartados c) e d) en todas as solicitudes, bastando con facelo nunha soa delas.

5. Sen prexuízo do establecido nos apartados anteriores, non será necesaria a presentación de solicitude para aquelas obras que xa foran presentadas na convocatoria correspondente ao plan de publicacións de 2015 (publicada no BOP de Ourense do 15 de maio de 2015) e que quedaron seleccionadas na lista de reserva aprobada coa resolución do dito concurso. As ditas solicitudes consideraranse validamente presentadas e serán incluídas de oficio no concurso, sen prexuízo de que durante o prazo de presentación de instancias os solicitantes poidan presentar modificacións no contido ou características de edición das obras presentadas no seu día, e de que na fase de instrución poidan ser requiridos para que completen a documentación presentada no sentido de axustala ao previsto nestas bases, de ser necesario. Igualmente, os autores poderán comunicar a desistencia da súa solicitude en calquera momento anterior á resolución.

A presentación da solicitude no concurso de 2015 acreditarase de oficio mediante certificación que se expedirá pola Secretaría Xeral da Deputación e se unirá ao expediente.

Quinta.- Procedemento de selección

1. O procedemento de concesión será o de concorrencia competitiva, conforme ao establecido nesta base.

2. Unha vez rematado o prazo de presentación de solicitudes, a Sección de Arquivo e Publicacións da Deputación Provincial procederá á instrución do expediente, consistente na comprobación da corrección da documentación achegada.

Unha vez examinada a documentación, a Presidencia concederá un prazo de ata dez días hábiles para a emenda de deficiencias materiais na documentación presentada.

Acta da Xunta de Goberno correspondente á ordinaria do 22 de abril de 2016

Ao abeiro do disposto no artigo 59.6.b) da Lei de réxime xurídico das administracións públicas e procedemento administrativo común, o requirimento para emendar as ditas deficiencias materiais realizarase exclusivamente a través da súa publicación na sede electrónica da Deputación Provincial de Ourense, situada páxina web <http://www.depourense.es>

No caso de non presentar a autorización para realizar as comunicacións previstas na base 4ª, non se realizará ningún tipo de comunicación persoal, notificándose unicamente e en todo caso na antedita páxina web.

3. Transcorrido o prazo de emenda de deficiencias, e instruído o expediente pola Sección, esta emitirá informe con proposta de non admisión das solicitudes que non cumpran os requisitos establecidos nestas bases, e de admisión do resto.

4. O informe da Sección e as obras presentadas someteranse á consideración do Consello Asesor de Publicacións, que efectuará a valoración e formulará unha proposta motivada de resolución do concurso, co seguinte contido:

a) Valoración das obras presentadas, conforme cos seguintes criterios:

a.1) Calidade das obras

a.2) Interese das obras para os fins de divulgación da realidade ourensá e de fomento da cultura propios do servizo provincial de publicacións.

a.3) No caso de solicitudes de coedición, valorarase tamén a porcentaxe de financiamento ofertada polo solicitante.

O Consello Asesor poderá excluír da valoración, motivadamente, aquelas obras que non reúnan uns requisitos mínimos de calidade ou interese.

b) Determinación das obras seleccionadas, coas características técnicas e orzamento estimado das edicións propostas, en función da valoración efectuada, así como das condicións básicas de coedición, se é o caso.

c) Establecemento dunha lista ordenada de obras en reserva. Inclúiranse nesta lista aquelas obras que, cumprindo os mínimos esixibles de calidade, non obteñan a valoración suficiente para seren seleccionadas dentro das dispoñibilidades da presente convocatoria. Estas obras serán susceptibles de edición en caso de que, por causas sobrevidas, non sexa posible a iniciación das actuacións de edición dalgunha das obras seleccionadas durante o

Acta da Xunta de Goberno correspondente á ordinaria do 22 de abril de 2016

exercicio 2016, en cuxo caso serán substituídas polas obras incluídas na lista de reserva, pola orde de prelación establecida na resolución do concurso.

Para este efectos, entenderase que non é posible a iniciación das actuacións de edición cando resulte que non se poida realizar a disposición ou compromiso do gasto correspondente dentro do exercicio orzamentario.

As obras seleccionadas que non puidesen editarse no exercicio 2016 por causa non imputable ao autor, pasarán a integrarse no plan de publicacións do exercicio seguinte.

4. Formulada a proposta do Consello, a Presidencia procederá a ditar resolución, que será obxecto de publicación na sede electrónica da Deputación Provincial e no Boletín Oficial da Provincia. A proposta do Consello non vinculará á Presidencia, que poderá apartarse, motivadamente, desta, previos os informes ou asesoramentos que considere oportunos.

6. O prazo máximo de resolución do procedemento será de tres meses, contados desde a data de finalización do prazo de presentación de solicitudes. O dito prazo será prorrogable por resolución da Presidencia, conforme ao previsto na lexislación do procedemento administrativo común. A falta de resolución en prazo terá o efecto dun acto presunto de contido desestimatorio.

Sexta.- Actuacións para a realización da edición ou coedición

1. Os autores e coeditores seleccionados deberán comunicar a súa aceptación expresa das condicións de edición ou coedición establecidas na resolución no prazo de dez días hábiles dende a publicación do acordo de concesión no Boletín Oficial da Provincia. En caso de que non comuniquen de xeito expreso a súa aceptación no dito prazo, entenderase que renuncian á edición, quedando habilitada a Presidencia para acordar a edición de obras incluídas na lista de reserva, conforme co sinalado na base 5ª.3.c), acordo que se recollerá en resolución que será obxecto de publicación nos mesmos termos que a resolución do concurso.

2. Recibida a aceptación, a Sección de Arquivo e Publicacións procederá á elaboración, negociación e tramitación dos contratos de edición cos autores e dos convenios de coedición coas entidades coeditoras.

Unha vez subscritos os correspondentes contratos e convenios, a Deputación procederá á contratación dos servizos de maquetación, tradución, impresión e edición

Acta da Xunta de Goberno correspondente á ordinaria do 22 de abril de 2016

necesarios, conforme cos orzamentos estimados que figuren na resolución de selección das obras. Igualmente, corresponderalle á Deputación a tramitación do depósito legal e do rexistro da publicación.

3. As actuacións dirixidas á edición deberán iniciarse en 2016, debéndose desenvolver cando menos ata a fase de disposición ou compromiso do gasto. As actuacións que non poidan realizarse na anualidade por causa non imputable ao autor ou coeditor incluíranse no Plan de publicacións do exercicio 2017.

4. No suposto de que o custo liquidado da edición das obras seleccionadas en réxime de coedición resulte diferente ao inicialmente previsto na resolución de selección, aplicaranse as seguintes regras:

a) No caso de redución do custo, este repartirase entre a Deputación e o coeditor en función da porcentaxe establecida na resolución do concurso e no convenio de coedición, determinado pola oferta realizada polo coeditor na súa solicitude.

b) No caso de incremento dos custos, se este se debese a causa de forza maior, será asumido pola Deputación e o coeditor en función da porcentaxe establecida no convenio, sen prexuízo do dereito do coeditor a renunciar á coedición en caso de que o sobrecusto sexa coñecido con antelación.

Nos casos en que o sobrecusto sexa debido a unha causa imputable a unha das partes, será asumido pola parte causante.

Sétima.- Normativa supletoria

En todo o non disposto nestas bases será de aplicación o disposto no Plan anual de publicacións da Deputación para o exercicio 2016, así como as seguintes normas:

a) Con carácter xeral, as normas establecidas na vixente Ordenanza reguladora do servizo de publicacións da Deputación.

b) A normativa vixente en materia de réxime xurídico das administracións públicas e procedemento administrativo común, nos aspectos referidos ás actuacións correspondentes á Deputación para a xestión dos procedementos necesarios para a selección e edición das obras.

c) As normas reguladoras da propiedade intelectual e as aplicables á contratación da edición de obras artísticas, científicas, musicais ou literarias no sector público, no relativo ás relacións entre a Deputación Provincial e os autores e coeditores.

Acta da Xunta de Goberno correspondente á ordinaria do 22 de abril de 2016

2º) Aprobar a convocatoria do concurso regulado nestas bases, ordenando a súa publicación no Boletín Oficial da Provincia e na sede electrónica da Deputación.

ANEXOS:

ANEXO I		
SOLICITUDE DE EDICIÓN OU COEDICIÓN DE OBRAS POLA DEPUTACIÓN PROVINCIAL DE OURENSE		
DATOS DO SOLICITANTE:		
Nome/razón social:	NIF/CIF:	
Enderezo:	Localidade:	
Código postal:	Provincia:	
Teléfono:	Enderezo electrónico:	
DATOS DO REPRESENTANTE (SE É O CASO)		
Nome e apelidos:	DNI/NIE:	
Teléfono móbil:	Teléfono fixo:	
Enderezo:	Localidade:	
Código postal:	Provincia:	
ENDEREZO PARA OS EFECTOS DE NOTIFICACIÓN *Marcar cun (x)		
☐ Enderezo do solicitante:		
☐ Enderezo do representante:		
EXPÓN:		
Que está ao corrente nas súas obrigas tributarias e de Seguridade Social e non se acha incurso en causa legal de prohibición de contratación coa Deputación de Ourense.		
SOLICITA:		
☐ Solicitudes de edicións: Que por parte da Deputación Provincial se proceda á edición da seguinte obra: ▪ Nome da obra: ▪ Autor:		
☐ Solicitudes de coedicións: Que por parte da Deputación Provincial se proceda á coedición en unión co solicitante da seguinte obra: ▪ Nome da obra: ▪ Autor: ▪ Porcentaxe de coedición que asumiría o solicitante: ▪ Orzamento estimado de edición:		

Ourense, _____ de _____ de 2016

Asdo.: _____
(O representante ou solicitante)

SR. PRESIDENTE DA DEPUTACIÓN PROVINCIAL DE OURENSE

ANEXO II	
PRESENTACIÓN DE OBRAS PARA EDITAR A DEPUTACIÓN PROVINCIAL DE OURENSE	
NÚMERO DE SOLICITUDE (para cubrir pola Deputación)	Data:
DATOS DO SOLICITANTE:	
Nome e apelidos/razón social:	
TIPO DE SOLICITUDE:	
☐ edición ☐ coedición	

Acta da Xunta de Goberno correspondente á ordinaria do 22 de abril de 2016

Para coedicións, indicar porcentaxe de participación do solicitante:
Características técnicas propostas para a edición ou coedición: ▪ Número de páxinas: [Word, fonte times new roman, tamaño 12, interliñado 1,5] ▪ Número de elementos gráficos: [Táboas, ilustracións, etc...] ▪ Tamaño ▪ Color/branca e negra ▪ Tipo de encadernación ▪ Tirada
Características técnicas propostas para a edición ou coedición de obras audiovisuais:

Ourense, _____ de _____ de 2016

Asdo.: _____
(O representante ou solicitante)

ANEXO III AUTORIZACIÓN	
DATOS DO SOLICITANTE:	
Nome/razón social:	NIF/CIF:
DATOS DO REPRESENTANTE	
Nome e apelidos:	DNI/NIE:
AUTORIZO: Á Deputación Provincial de Ourense a facerme as comunicacións para recibir, a través do correo electrónico e/ou sms, indicados na solicitude, a comunicación de aviso do inicio do prazo de emenda de deficiencias materiais na documentación administrativa presentada e do acordo de resolución do concurso para a selección de obras para a súa publicación en réxime de edición ou coedición ao abeiro do Plan Anual de Publicacións da Deputación Provincial de Ourense para o exercicio 2016.	

Ourense, _____ de _____ de 2016

Asdo.: _____
(O representante ou solicitante)

Acta da Xunta de Goberno correspondente á ordinaria do 22 de abril de 2016

**ANEXO IV
MODELO DE AUTORIZACIÓN PARA PRESENTACIÓN DE SOLICITUDES
A TRAVÉS DE REPRESENTANTE**

Don/dona _____, con DNI n.º _____,
AUTORIZO a don/dona _____, con DNI n.º _____,
 para solicitar e tramitar, ante a Deputación Provincial de Ourense, a edición da obra
 titulada _____,
 ao abeiro do Plan Anual de Publicacións da Deputación Provincial de Ourense de 2016.

Ourense, _____ de _____ de 2016

Asdo.: _____
 (O representante ou solicitante)

**ANEXO V
NORMAS DE PRESENTACION DE OBRAS ESCRITAS**

A obra deberá presentarse en papel e tamén en formato electrónico (CD, DVD, etcétera)

1. Presentación do CD (Conterá os seguintes datos no exterior):

- * Nome e apelidos do autor
- * Título e subtítulo da obra
- * Data de entrega

No interior gravarase a obra en dúas carpetas, unha co texto e outra cos elementos gráficos. Debe, ademais, levar un índice da obra e un índice das fotografías e/ou gráficos con indicación dos pés destas/destes.

2. Presentación da copia impresa

Folios DIN A4, debidamente paxinados.

Presentaranse separados os textos e os elementos gráficos.

I. CARPETA CON TEXTOS

Normas xerais para os textos:

Programa: Word. Fonte tipográfica: Times New Roman, tamaño da letra 12 puntos, incluídos os títulos, que irán en negriña.

Non se inserirán imaxes dentro do texto.

Non se sangrará a primeira liña do parágrafo.

Separaranse os parágrafos entre si mediante unha liña en branco.

Enumeraranse as páxinas, recorrendo ao automatismo de que dispoña o programa para tal fin, nunca manualmente.

Todos os textos levarán a bibliografía ao final, exposta por orde alfabética, materias ou orde cronolóxica, pero dentro destas por apelidos dos autores. En calquera caso, da seguinte forma:

Apelidos (os dous, si tivera, en letra minúscula normal), coma, inicial do nome do autor ou responsable intelectual da obra (se son dous autores, dos dous; se son máis de dous, os apelidos e inicial do primeiro seguido de [et al.]), dous puntos, título da obra (en cursiva) (se se trata dun artigo publicado dentro dunha obra, o artigo irá entre comiñas e letra normal seguido do título da obra na que se encontra, en cursiva), coma, lugar

Acta da Xunta de Goberno correspondente á ordinaria do 22 de abril de 2016

de edición, dous puntos, editorial, coma, ano de edición e número de páxinas da obra (opcional), antepondo p. (ou pp., si son máis dunha).

II. CARPETA CON COMPOÑENTES GRÁFICOS

Normas xerais para os gráficos:

Presentarase todo o material que sexa posible en formato dixital.

Táboas:

1. As táboas serán claras, sen rectificacións e non ocuparán máis dun folio por táboa.
2. O título destas debe ser breve, cun máximo de 10 palabras.
3. Todas as táboas citarase no texto.
4. Convén dar o deseño máis simple ás táboas, xa que o maquetador as redeseñará.
5. Debe prestarse especial atención á xerarquización das materias de cada táboa.
6. Todas as abreviaturas que aparezan nas táboas deben especificarse nos pés destas.

Ilustracións:

As ilustracións deben ser de boa calidade técnica e artística.

Se se trata de fotografías antigas, poderanse presentar en papel, sen sachaduras, raspaduras, manchas ou taras. Estarán ben enfocadas, con suficiente detalle e contraste. Poderán presentarse xa escaneadas nun CD, DVD ou pen drive, pero a Deputación reservase a posibilidade de volver a escanealas, se fose preciso. De non achegarse escaneadas, de ser publicada a obra, deben ser escaneadas pola Deputación.

Poderán presentarse fotografías dixitais. Estas deben ser propiedade do autor. En caso de utilizar algunha imaxe que non fora propia, o autor do texto pedirá os permisos correspondentes a quen corresponda e presentará copia destes na Deputación.

Os programas recomendados son: Freehand, Illustrator e CorelDraw, para gráficos; PhotoShop, para fotografía. Aceptarase os formatos seguintes:

- Para imaxes de liña, recoméndase o formato EPS. A 8 bits (B/N) ou 32 bits e CMYK (color).
- Para imaxes de ton continuo (fotografías ou arquivos dixitalizados) utilizarase formato TIFF a 300 pp no tamaño final da publicación. A 8 bits (B/N) ou 32 bits e CMYK (color).

13.- EXPROPIACIÓN FORZOSA PARA A EXECUCIÓN DA OBRA DE MELLORA DA ESTRADA PROVINCIAL OU-0415 BRUÉS-PORTELA DA CRUZ, N.º

31/16/2014.- Unha vez visto o ditame favorable da Comisión Informativa de Cooperación, Infraestruturas e Medio Rural, a **Xunta de Goberno**, por unanimidade, **adopta** o seguinte **acordo**:

1. Resolver as alegacións formuladas polos interesados, baseándose no informe emitido polo xefe da Sección de Patrimonio e Expropiacións da Deputación de Ourense, o cal ten o tenor literal seguinte:

“As parcelas inicialmente afectadas pola devandita expropiación eran 8, se ben cos propietarios de 6 parcelas se asinaron convenios de adquisición de mutuo acordo, polo que foron excluídas da expropiación.

Por parte de D.^a Sara Arias García, actuando como herdeira de D. Manuel Salceda Bande, formulouse alegación na cal se reclama a propiedade das parcelas n.º 8 e 9 do

Acta da Xunta de Goberno correspondente á ordinaria do 22 de abril de 2016

expediente expropiatorio, as cales se ven afectadas nunha superficie de 537,87 m² e 1797,87 m², respectivamente. En proba da alegación, achega unha serie de contratos privados de compravenda, nos cales figura como comprador D. Manuel Salceda Bande, datados nos anos 60, os cales non permiten acreditar si estes se refiren ás parcelas afectadas pola expropiación, se ben se refiren a parcelas rústicas dedicadas a monte e localizadas na mesma zona. As parcelas n.º 8 e 9 do expediente expropiatorio, segundo os datos que figuran no Catastro, pertencen ao “Monte Veciñal en Man Común de Tras da Costa” e “Veciños de Vecoña de Abaixo”, respectivamente.

Ao abeiro do previsto na Lei 13/1989, de montes veciñais en man común de Galicia, procedeuse a solicitarlle á Consellería de Medio Rural da Xunta de Galicia que informase sobre se as devanditas parcelas pertencen a algún MVMC, e no caso de ser así, que se concedese a “prevalencia” para os efectos de poder levar a cabo a expropiación forzosa, en cumprimento do disposto na citada Lei 13/1989, o cal deu lugar ao acordo adoptado polo Consello da Xunta de Galicia, na sesión que tivo lugar o 23 de decembro de 2015, no cal se sinala que a parcela n.º 8 do expediente expropiatorio, afectada nunha superficie de 537,87 m², pertencelle ao “MVMC Borraxas, Vales e Vilachá”, e a parcela n.º 9 do expediente expropiatorio, afectada nunha superficie de 1.797,84 m², pertencelle ao “MVMC Chaira, Revolta de Medicas e Voltireira”, concedendo a súa vez a “prevalencia” para levar a cabo a expropiación. A este respecto, convén sinalar que a referida Lei 13/1989, de montes veciñais en man común de Galicia dispón no seu artigo 2 que, “os montes veciñais en man común son indivisibles, inalienables, imprescritibles e inembargables”, continuando no artigo 3 dispoñendo que “a propiedade dos montes veciñais é colectiva, correspondendo a súa titularidade dominical, sen asignación de cupos, ao conxunto dos veciños ...”.

Polo tanto, en tendo en conta que os contratos privados de compravenda que non figuren inscritos no Rexistro da Propiedade non fan proba fronte terceiros, propónse desestimar a alegación formulada por D.ª Sara Arias García”.

2. Aprobar o proxecto técnico da obra de mellora da estrada provincial “OU-0415 Brués-Portela da Cruz”, n.º 31/16/2014, no Concello de Boborás, así como anexo de expropiacións, no que se inclúe o plano parcelario e a relación de bens afectados.

3. Ter por declarada a utilidade pública das obras mencionadas, de conformidade co disposto no artigo 22.5 da Lei 8/2013, de 28 de xuño, de estradas de Galicia.

Acta da Xunta de Goberno correspondente á ordinaria do 22 de abril de 2016

4. Acordar definitivamente a necesidade de ocupación, con carácter urxente, dos terreos incluídos na relación de bens e dereitos afectados pola expropiación, de conformidade co previsto no citado artigo da *Lei de estradas de Galicia*.

N.º PARCELA EXPEDIENTE	REF. CATASTRAL	TIPO PARCELA	PROPIETARIO EXPEDIENTE	M ² <i>EXPROP</i>
8	32014A022013080000GU	RURAL	MVMC BORRAXAS, VALES E VILACHÁ	537,87
9	32014A079002980000GX	RURAL	MVMC CHAIRA, REVOLTA DE MEDIAS E VOLTIREIRA	1.797,84

5. Publicar e notificarlles este acordo aos interesados, de conformidade coa lexislación vixente.

14.- ASUNTOS DE URXENCIA.- Non se suscitaron.

15.- COMUNICACIÓNS DA PRESIDENCIA.- Non se presentaron.

16.- ROGOS E PREGUNTAS.- Non se formularon.

E, ás dez horas e trinta minutos, do referenciado día vinte e dous de abril do ano dous mil dezaseis, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O SECRETARIO,